

**INICIJATIVE** Novi korak u borbi protiv korupcije trebao bi biti završen do marta

# Uzbunjivače zakonom zaštititi od odmazde

Zakon bi takva djela trebao kažnjavati, a odmazdu tretirati kao krivično djelo, istakao Bajić • Oni koji prijavljuju korupciju izloženi su šikaniranju i različitim maltretiranjima, upozorio Blagovčanin

Demokratska inicijativa za Evropu i partner Ministarstva pravde FBiH, Centar za odgovornu demokratiju Luna - Inicijativa za zaštitu uzbunjivača u BiH zajednički rade na izradi nacrtu zakona o zaštiti osoba koje prijavljuju korupciju u institucijama. Zakonom su predviđeni mehanizmi koji bi štitili prijavljivača korupcije od štetnih kadrovskih mjera.

## Vrlo zahtjevno

- Ako se radi o uposleniku koji prijavljuje korupciju, želimo vidjeti kakve to odmazde slijede. Uglavnom se radi o promjeni sistematizacije, degradiranju uposlenika na niže radno mjesto, otkazu, mobingu, stvaranju neprijateljske atmosfere... I to sve iz



## Najčešći vidovi osvete

- Promjena sistematizacije
- Degradiranje na niže radno mjesto
- Otkaz
- Mobing
- Stvaranje neprijateljske atmosfere



Blagovčanin: Zakon neophodan



Bajić: Odlična saradnja

osvete. Zakon bi takva djela trebao kažnjavati, a odmazdu tretirati kao krivično djelo - istakao je Bojan Bajić, koordinator Inicijative za zaštitu uzbunjivača u BiH.

On je potcrtao da je vrlo zahtjevno napraviti nacrt ovog zakona i da zbog toga taj proces toliko dugo traje.

## Trenutno stanje

- U najboljem slučaju, početkom marta možemo imati model zakona za koji smatramo da je dobar i

od marta počinju pregovori na svim nivoima kako da krene u proceduru. Odlično saradujemo i s državnim i s federalnim institucijama i drago nam je što je pokazana otvorenost i aktivnost u rješavanju ovog problema - dodao je Bajić.

I Srđan Blagovčanin, direktor „Transparency Internationala“, mišljenja je da je ovakav zakon našoj zemlji neophodan.

- Imajući u vidu trenutno stanje u BiH, da su lju-

di koji prijavljuju korupciju izloženi šikaniranju i različitim maltretiranjima, a nerijetko im je ugrožena i fizička sigurnost, mislim da je zakonsko rješenje zaštite prijavljivača korupcije neophodnost. Međutim, ono što je problem s našom zemljom jeste implementacija zakona. Bojim se da bez implementacije zakona neće biti ni zaštite prijavljivača korupcije - zaključuje Blagovčanin.

B. BEĆIROVIĆ



Mojžita: Razgovor s Pudarićem

Miroslav Mojžita

## Unaprijedena saradnja

► Potpredsjednik Federacije BiH Svetozar Pudarić primio je jučer u oproštajnu posjetu ambasadora Slovačke u BiH Miroslava Mojžitu. Ambasador je izrazio zadovoljstvo što je tokom proteklih osam godina saradnja dviju zemalja u mnogim aspektima značajno unaprijedena.

Tužilaštvo BiH

## Optužnica protiv petorke

► Tužilaštvo Bosne i Hercegovine podiglo je optužnicu protiv pet osoba za ratni zločin. Optužnica ih tereti za ratnih zločin nad žrtvama srpske nacionalnosti na području Bihaća, saopćio je Odjel za odnose s javnošću Tužilaštva BiH.

Čamil Duraković



Duraković: Pregled stambene infrastrukture

## Analiza stanja

► Načelnik općine Srebrenica Čamil Duraković potvrdio je u izjavi Feni da će u narednom periodu nadležni u općini obići svih 19 mjesnih zajednica da bi izvršili pregled stambene i putne infrastrukture. Na osnovu toga napravit će analizu stanja u svim mjesnim zajednicama.

Nedeljko Čubrilović

## Izrada pilot-studije

► Ministar saobraćaja i veza RS Nedeljko Čubrilović i predstavnici Privredne komore dogovorili su se da budu razmotrene mogućnosti izrade pilot-studije javnog prijevoza u određenim područjima RS. Studija bi bila urađena radi analiziranja postojećeg stanja i definiranja pravaca daljnjeg razvoja javnog prijevoza.

Evropska unija pomaže BiH, Azerbejdžan, Moldaviju i Tursku

# Za borbu protiv trafikinga 1,5 miliona eura

Evropska komisija (EK) objavila je jučer početak svog prvog projekta zajedničke borbe protiv šverca ljudima (tzv. trafiking).

Kako je saopćeno iz Evropske komisije u Briselu, projekt vrijedan 1,5 miliona eura pomoći će saradnju i podjelu informacija između Azerbejdžana, Bosne i Hercegovine, Moldavije i Turske.

- Ovaj inovativni pilot-projekt pomoći će državama da se bolje nose s organizir-

anim kriminalom i švercom ljudi kroz, naprimjer, dijeljenje informacija koje posjeduju, obuku za policijske agencije da bi one bile u stanju nositi se s ovim izazovom još bolje - saopćeno je iz EK.

Cilj Komisije je i da se kroz ovaj projekt promovira bolja regionalna saradnja država.

Komesar za proširenje EU Štefan File (Fule) kazao je u svojoj izjavi za medije da je Komisija „odlučna da uradi sve što je u njenoj moći

da bismo radili i mimo državnih granica da se ovo zlo iskorijeni, gdje god da se naišlo na njega“.

On je istakao odlučnost da se zajednički radi na iskorjenjivanju „užasnog i barbarskog načina eksploatacije ljudi“.

Projektom, prvim ove vrste, EU planira uspostaviti čvrsti sistem razmjene informacija između četiri države, a njima će se u narednoj godini pridružiti još zemalja.

U početku će se projekt fokusirati na policijske agencije. No, odmah zatim uključit će se i konzularne službe te tužioc i sudije.

S. N.

File: Iskorijeniti ovu barbarsku praksu

